

V Vom Danck.

Die Danckh.

W Elcher am zierlichisten

auff der Ban erscheinen würdet/darinnen auch die Mantenatores begriffen sollen werden/mügen sich die Richter bey den Frauen zuuor befragen/welcher ermelten danck für ander würdig/dem selben soll der nach jrer erkantnus gegeben werden.

DEr in den dreyen obbemelten stößen / mit dem Spies die merern am höchsten vnnnd zierlichisten prechen würdet / der soll nach erkantnus der Richter den spies danck haben.

W Elcher in den fünff straitchen des Schwerts am besten vnd zierlichisten schlagen würdet / dem soll nach erkantnus der Richter / der danck des Schwerts gegeben werden.

DEr inn der Folia sich mit dem Spies / am besten erzeigen vnd deren am maisten prechen würdet/darunter die Mantenatores nicht ausgeschlossen sollen werden/soll nach erkantnus der Richter den spies danck in der Folia haben.

W Elcher in der Folia mit dem Schwert am dapfferisten besten vnnnd zierlichisten schlagen vnnnd sich halten würde / Sollen die Mantenatores so wol als die Auenturirer nach erkantnus der Richter / den danck des Schwerts in der Folia haben.

Wie

WZe ich nun meinem beuelch verrichtet / vnd die ordnung des Turniers halb / auß der Emphangen verkündung verlesen hab / sein wir die Ernholten widerumb in der Fürst: Durchleu: Palast geritten / in gleicher gestalt / der ordnung nach / wie wir auszogen sein / vnd dann ein jeder sich in sein Herberg verfüegt.

DEn andern tag Junij / am Sontag Pentecostes / oder Pfingstag / zwischen vier vnd fünf vhrn nach mittag / zuvor vnd ehe die R. d. Kay: May: zu vesper gangen / ist mir vnd meinem mitgesellen dem Behaimischen Ernholdt / aus beuelich hochgedachter Rhü: W. zu Behaim ic. vnsers Venedigisten Herrn / durch den Edlen vnd Wolgebomen Herrn / Don Joan Alfonso Gastaldo ein andere schrift darinn das rennen über die Blancken verkündt gewesen oberantwort worden / solche mit gemeltem meinem mitgesellen zu publiciern vnd aufzuruffen / vor der R. d. Kay: May: Palast auff dem Platz / welchem ich dann auch gehorsamlich nachhumen / vnd wir beyde mit dem Herrn Gastaldo im sein herberg gangen / auff unsere Kosz gefessen / vnd mit zwölf Trummetern ober den alten Koszmarkt / Graben vnd Rollmarkt / bis gen Hoff belait worden.

Nach dem nu die Trummetter drey mall auff geblasen / Ist die verkündung solches Turniers durch mich publiciert vnd verlesen worden.

WZe aber die gelaut wirst du hernach vernemen / zuvor vnd ehe ich den Koszturnier / wie er sich verlossen / beschreiben werde.

Nach dem nu die Publication der vilgemelten verkündung des Turniers geschehen / sein wir widerumb in gemelts Herrn
E ij Gastaldo